




Broj: 03-017-2043/2018
Dana; 06.04.2018.godine

SKUPŠTINA UNSKO-SANSKOG KANTONA



PREDMET: Prijedlog Zakona o izmjeni Zakona o načinu i uslovima izmirenja dugovanja fizičkih lica po osnovu ugovora o robnom kreditu, dostavlja se

Na osnovu člana 120. i 133. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Prijedlog Zakona o izmjeni Zakona o načinu i uslovima izmirenja dugovanja fizičkih lica po osnovu ugovora o robnom kreditu, uz sljedeće:

O b r a z l o ž e n j e


Vlada Unsko-sanskog kantona je na sjednici održanoj dana 06.04.2018.godine razmatrala i Zaključkom broj: 03-017-2043/2018, utvrdila Prijedlog Zakona o izmjeni Zakona o načinu i uslovima izmirenja dugovanja fizičkih lica po osnovu ugovora o robnom kreditu, predlagača Ministarstva poljoprivrede, vodoprivrede i šumarstva, koji vam dostavljamo u dalju proceduru, odnosno na pretresanje po skraćenom.

S poštovanjem,


Prilog: Prijedlog Zakona o izmjeni Zakona o načinu i uslovima izmirenja dugovanja fizičkih lica po osnovu ugovora o robnom kreditu (6x)

Dostavljeno:

1. Naslovu
2. a/a (2x)



PREMIJER KANTONA
dr.sci. Husein Rošić



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), Vlada Unsko-sanskog kantona, na sjednici održanoj dana 06.04.2018.godine, d o n o s i :

ZAKLJUČAK

I

Utvrđuje se prijedlog Zakona o izmjeni Zakona o načinu i uslovima izmirenja dugovanja fizičkih lica po osnovu ugovora o robnom kreditu, obrađivača Ministarstva poljoprivrede, vodoprivrede i šumarstva i isti se upućuje Skupštini Unsko-sanskog kantona na postupku pretresanje po skraćenom.

II

Ovaj Zaključak stupa na snagu danom donošenja.

Broj: 03-017-2043/2018
Bihać; 06.04.2018. godine

PREMIJER KANTONA
dr.sci. Husein Rošić

Na osnovu člana 11.b, poglavlja V, odjeljak A Ustava Unsko-sanskog kantona-Prečišćeni tekst („Službeni glasnik Unsko-sanskog kantona“, broj: 1/04 i 11/04), na prijedlog Vlade Unsko-sanskog kantona, Skupština Unsko-sanskog kantona, na sjednici održanoj dana __. __.2018.godine, donosi

Zakon
o izmjeni Zakona o načinu i uslovima izmirenja dugovanja fizičkih lica
po osnovu ugovora o robnom kreditu

Član 1.

U članu 3. stav (1) Zakona o načinu i uslovima izmirenja dugovanja fizičkih lica po osnovu ugovora o robnom kreditu („Službeni glasnik Unsko-sanskog kantona“, broj 9/17), tekst „najkasnije do 31.12.2017.“, mijenja se i glasi „najkasnije do 31.12.2018.“.

Član 2.

Ovaj Zakon stupa na snagu osmog dana od dana objavljivanja u Službenom glasniku Unsko-sanskog kantona.

Broj:
Bihać:

Predsjedavajući
Skupštine Unsko-sanskog kantona
Nijaz Hušić, prof.

OBRAZLOŽENJE

USTAVNI OSNOV

Ustavni osnov za donošenje Zakona sadržan je u odredbi člana 11.b, poglavlja V, Odjeljak A Ustava Unsko-sanskog kantona-prečišćeni tekst („Službeni glasnik Unsko-sanskog kantona“, br.: 1/04 i 11/04)

OBRAZLOŽENJE PRAVNIH NORMI

Skupština Unsko-sanskog kantona na svojoj sjednici održanoj dana 24.04.2017.godine, usvojila je Zakon o načinu izmirenja dugovanja fizičkih lica po osnovu ugovora o robnom kreditu, koji je objavljen u Službenom glasniku Unsko-sanskog kantona, broj 9/17.


Efekat donešenog Zakona djelomično je ostvaren. Odaziv dužnika i dobrovoljne uplate duga, odnosno naplata potraživanja ovog Ministarstva do 31.12.2017 godine je u iznosu od 146.324,76 KM, a zaprimljene su molbe dužnika koji su spremni na nastavak plaćanja preostalih obaveza, jer nisu uspjeli zatvoriti dug u cijelosti do navedenog roka, dok sa druge strane postoje problemi u izvršnim postupcima od strane Kantonalnog pravobranilaštva i nadležnih Općinskih sudova, u smislu da je postupak naplate prema izvještaju sudskog izvršitelja o pljenidbi, popisu i procjeni pokretnih stvari kod izvršenika bio bezuspješan, jer nisu nađene stvari koje mogu biti predmet izvršenja a vlasništvo su izvršenika ili nije bilo zainteresiranih kupaca prilikom prodaje.

Predloženom izmjenom Zakona predviđa se produženje roka za izmirenje dugovanja fizičkih lica prema Unsko-sanskom kantonu po osnovu ugovora o robnom kreditu do 31.12.2018.godine.

FINANSIJSKI OKVIR ZA PROVOĐENJE ZAKONA

Za provođenje ovog Zakona nisu potrebna sredstva Budžeta Unsko-sanskog kantona.

Ministar
Džagan Polimanac, dipl.pravnik



Bosna i Hercegovina
Federacija Bosne i Hercegovine
UNSKO-SANSKI KANTON
Kantonavno pravobranilaštvo
B i h a ć
Broj: KP-95/17
Datum, 03.01.2018. godine

UNSKO-SANSKI KANTON
BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
BIHAC

04-01-2018
Klasifikaciona oznaka Redni broj Broj

08-08-199-1/8

MINISTARSTVO POLJOPRIVREDE
VODOPRIVREDE I ŠUMARSTVA
BIH A Ć

PREDMET: Obavijest, dostavlja se, -

Poštovani,

Želim Vas obavijestiti da je ovo pravobranilaštvo podnijelo prijedloge za izvršenje u svim predmetima, radi naplate duga po osnovu ugovora o kreditu u robnom obliku – kupoprodaja visokosteonih junica, koji su zaključivani između tog ministarstva i korisnika kredita, čime je prekinut tok zastare za pokretanje izvršnih postupaka.

U većem broju slučajeva pravobranilaštvo je obavješteno da je prema izvještaju sudskog izvršitelja o pljenidbenom popisu i procjeni popis pokretnih stvari kod izvršenika bio bezuspješan, jer nisu nađene stvari koje mogu biti predmet izvršenja, a vlasništvo su izvršenika ili nije bilo zainteresiranih kupaca prilikom prodaje. U ovakvim predmetima pravobranilaštvo treba predložiti da se zapljena ponovo sprovede ili označiti novo sredstvo i predmet izvršenja, koje bi bilo vlasništvo izvršenika, tako da je potrebno da kroz evidencije tog ministarstva o licima koja nisu izvršili uplatu duga dođete do podataka o novim sredstvima ili predmetu izvršenja, iste dostavite pravobranilaštvu, kako bi pokušali izvršiti naplatu duga po ovom osnovu.

Ministarstvo u ovim postupcima treba sagledati mogućnost uzimanja učešća u izvršnim postupcima, u kojima bi se naplata ovog duga vršila kupovinom pokretnih ili nepokretnih stvari vlasništvo izvršenika od strane tog ministarstva.

Istovremeno želim obavjestiti da je prema podacima iz Ministarstva finansija na dan 30.12.2017.godine po ovom osnovu dobrovoljno uplaćen ukupan iznos od 146.324,76 KM, u smislu Zakona o načinu i uslovima izmirenja dugovanja fizičkih lica, po osnovu ugovora o robnom kreditu („Službeni glasnik Unsko-sanskog kantona“ broj 9/17).


Obzirom da se radi o dugu po osnovu robnih kredita plasiranih i potpisanih od strane tog ministarstva, imajući u vidu odredbu člana 3. Zakona o načinu i uslovima izmirenja dugovanja fizičkih lica, po osnovu ugovora o robnom kreditu smatram da to ministarstvo treba sagledati mogućnost predlaganja produženja roka iz navedenog člana.


Dostavljeno:

Naslovu

- Ministarstvo finansija (na znanje)

- a/a





20-08-2018
415

Broj:08-08-144-7/18

Datum: 19.02.2018 godine

**MINISTARSTVO FINANSIJA
UNSKO-SANSKOG KANTONA**

- Ovdje -

Predmet: Prijedlog izmjene propisa, dostavlja se

Ovo Ministarstvo zaprimilo je akt Kantonalnog pravobranilaštva broj: KP-95/17 od 03.01.2018 godine kojim nas obavještava o problemima naplate duga od fizičkih lica, po osnovu ugovora o kreditu u robnom obliku – kupoprodaja visokosteonih junica, te nas se upućuje na sagledavanje mogućnosti produženja roka iz član 3. Zakona o načinu i uslovima izmirenja duga fizičkih lica, po osnovu ugovora o robnom kreditu („Službeni glasnik Unsko-sanskog kantona“ broj: 09/17) kojim je u članu 3. definiran način i uslovi izmirenja obaveza i to: „Za obavezu po osnovu glavnog duga, koju dužnik uplati na žiro-račun u sastavu Jedinstvenog računa Trezora. broj: 3385002275571031, najkasnije do 31.12.2017.godine, povjerilac neće potraživati zakonsku zateznu kamatu, ugovorenu kamatu i troškove parničnog i izvršnog postupka“.

Efekat donešenog Zakona djelomično je ostvaren. Odaziv dužnika i dobrovoljne uplate duga, odnosno naplata potraživanja ovog Ministarstva do 31.12.2017 godine je u iznosu od 146.324,76 KM, a zaprimljene su molbe dužnika koji su spremni na nastavak plaćanja preostalih obaveza, jer nisu uspjeli zatvoriti dug u cijelosti do navedenog roka, dok sa druge strane postoje problemi u izvršnim postupcima od strane Kantonalnog pravobranilaštva i nadležnih Općinskih sudova, u smislu da je prema izvještaju sudskog izvršitelja o pljenidbi, popisu i procjeni pokretnih stvari kod izvršenika bio bezuspješan, jer nisu nađene stvari koje mogu biti predmet izvršenja a vlasništvo su izvršenika ili nije bilo zainteresiranih kupaca prilikom prodaje

Na osnovu iznešenog ovo Ministarstvo **predlaže donošenje izmjene i dopune navedenog Zakona na način da se rok „31.12.2017“ promijeni na novi rok: „31.12.2018“ godine.**


S poštovanjem;

E.Dž

Dostavljeno:

1. Naslovu
- ② A/a

MINISTAR



Dragan Polimanić, dipl.iur.



Broj: 09-08-144-3/18

Datum: 13-03-2018

AM

**MINISTARSTVO POLJOPIRVREDE,
VODOPRIVREDE I ŠUMARSTVA**

*PREDMET: Odgovor, dostavlja se-
Veza Vaš akt broj:08-09-144-2/18 od 19.02.2018.godine*

U vezi Vašeg akta, broj i datu gornji, a kojim predlažete donošenja izmjena i dopuna Zakona o načinu i uslovima izmirenja duga fizičkih lica, po osnovu ugovora o robnom kreditu („Službeni glasnik Unsko-sanskog kantona“ broj:9/17), želimo ukazatii na slijedeće:

Aktom Kantonalnog pravobranilaštva broj: KP-23/17 od 08.02.2017.godine upućenom Ministarstvu poljopirvrede, vodoprivrede i šumarstva, navedene su činjenice vezane za izvršne predmete, koji su posljedica sudskih postupaka pokrenutih po tužbama, protiv fizičkih lica radi isplate duga po osnovu ugovora o kreditu zaključenih 1998. i 1999.godine. Također je zatraženo od Vašeg organa poduzimanje mjera u okviru zakonom propisanih nadležnosti. Isti akt ste ocijenili kao „prijedlog dobar“ i proslijedili Ministarstvu finansija (akt broj 08-08-1638-2/17 od 15.02.2017.godine)sa prijedlogom da se pokrene postupak izrade Zakona. I Ministarstvo finansija je cijeniilo prijedlog opravdanim, a kako Vi kao nadležan organ niste pokrenuli proceduru izrade Zakona, koji je iz Vaše nadležnosti, to smo isti uradili i u formi Nacrta uputili Vladi Kantona, sa naznakom da se isti utvrdi u formi Prijedloga i uputi Skupštini Kantona na pretresanje po skraćenom postupku. I Vašim aktom gornjim ponovno tražite da ovaj organ pokrene proceduru izmjene Zakona. Smatramo da je ista u Vašoj nadležnosti, a ovaj organ će dati svoje mišljenje i u pogledu Poslovnika o radu Vlade Kantona i fiskalne procjene i pratit će realizaciju istog.


S poštovanjem,

Dostavljeno: "

-Naslovu

-Premijeru Kantona (na znanje)

-a/a





DRAGAN

Broj: 04-02-144-6/18
Bihać, 22.03.2018.godine

MINISTARSTVO POLJOPRIVREDE,
VODOPRIVREDE I ŠUMARSTVA

PREDMET: Mišljenje o fiskalnoj procjeni, dostavlja se;
Veza, Vaš akt broj : 08-02-144-4/18

Shodno članu 25. Stav 1. Alineja 3. Poslovnika o radu Vlade Unsko-sanskog kantona ("Službeni glasnik Unsko-sanskog kantona" broj: 26/12, 3/14 i 11/14), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje posebnih sredstava, potrebnih za izvršenje propisa.

Dalje, po odredbi člana 2 stav (2) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovnikom o radu Vlade. Sljedom gore navedenog dajemo sljedeće:

Mišljenje


Ministarstvo poljoprivrede, vodoprivrede i šumarstva Vlade Unsko-sanskog kantona je Ministarstvu finansija dostavilo Mišljenje na Zakon o izmjenama Zakona o načinu i uslovima izmirenja dugovanja fizičkih lica po osnovu ugovora o robnom kreditu, na propisanom obrascu (ovjeren i potpisan od strane ovlaštene osobe:Obrazac IFP-NE). U istom navode da : "Za provođenje ovog Zakona nisu potrebna dodatna finansijska sredstva".

Sljedom gore navedenog, obrađivač akta je postupio u skladu sa članom 8. Zakona o budžetima u Federaciji Bosne i Hercegovine, te u skladu s članom 7.stav (1) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet, te ovaj organ može dati pozitivno mišljenje što se tiče fiskalne procjene.

S poštovanjem,

Dostavljeno:

- Naslovu
- Minist.finansija
- A/A



MINISTRICA,

Zlatka Šepić



08

Broj: 07-02-144-*F*/2018
Bihać, 28.03.2018. godine

MINISTARSTVO POLJOPRIVREDE, VODOPRIVREDE
I ŠUMARSTVA

PREDMET : Mišljenje, dostavlja se,-
Veza: Vaš akt broj: 08-02-144-4/18 od 16.03.2018. godine

Na osnovu člana 25. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj: 26/12, 3/14 i 11/14), o dostavljenom nacrtu Zakona izmjenama Zakona o načinu izmirenja dugovanja fizičkih lica po osnovu ugovora o robnom kreditu, Ministarstvo pravosuđa i uprave, daje sljedeće:

MIŠLJENJE

Nacrt Zakona izmjenama Zakona o načinu izmirenja dugovanja fizičkih lica po osnovu ugovora o robnom kreditu, u skladu je sa propisima iz člana 25. stav 1. alineja 2. Poslovnika o radu Vlade Unsko-sanskog kantona, u kojem je utvrđeno da ovo Ministarstvo daje mišljenje na nacrtu i prijedloge propisa u pogledu njihove usklađenosti s *propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.*

Obrađivač akta: Arijana Šabić, dipl. pravnik


Dostavljeno:
Imenovanu
-a/a



MINISTAR

Prof. dr. sc. Nikola Findrik

963
DJAVAN



Broj : 21-02-144-5/18
Bihać, 21.03.2018.godine

**MINISTARSTVO POLJOPRIVREDE,
VODOPRIVREDE I ŠUMARSTVA**

PREDMET: Mišljenje na Nacrt Zakona o načinu i uslovima izmirenja dugovanja fizičkih lica po osnovu ugovora o robnom kreditu, dostavlja se;-

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona" broj: 9/11, 22/11 i 7/18), Ured za zakonodavstvo Vlade Unsko-sanskog kantona, daje sljedeće

MIŠLJENJE

na Nacrt Zakona o izmjenama i dopunama Zakona o načinu i uslovima izmirenja dugovanja fizičkih lica po osnovu ugovora o robnom kreditu

Osnov za donošenje

Ustavni osnov:

Ustavni osnov za donošenje zakona iz djelokruga Skupštine Kantona sadržan je u odredbi člana 11. b) odjeljak A poglavlja V Ustava Unsko-sanskog kantona – Prečišćeni tekst ("Službeni glasnik Unsko-sanskog kantona", broj: 1/04 i 11/04), kojim je utvrđeno da Skupština Kantona donosi zakone i da obavlja i druga ovlaštenja koja su joj povjerena ustavom i zakonom Federacije i Kantona.

Analizirajući odredbe Nacrta Zakona o izmjenama i dopunama Zakona o načinu i uslovima izmirenja dugovanja fizičkih lica po osnovu ugovora o robnom kreditu, Ured za zakonodavstvo stava je:

- tekst predmetnog Zakona usaglašen je sa Ustavom Unsko-sanskog kantona;
- tekst predmetnog Zakona urađen je u skladu sa metodološkim jedinstvom za izradu propisa;
- naziv predmetnog Zakona potrebno je uskladiti sa članom 49. Pravila i postupaka za izradu zakona i drugih propisa Federacije Bosne i Hercegovine, obzirom da se u

- konkretnom slučaju vrši samo jedna izmjena, u tom slučaju propis se naziva "o izmjeni", kako bi odgovarao njegovom sadržaju;
- u članu 1. predmetnog Zakona tekst „datum 31.12.2017.godine“ zamjenjuje se datumom "31.12.2018.godine "" , potrebno je preformulisati tako da glasi:
"tekst "najkasnije do 31.12.2017.godine" mijenja se i glasi "najkasnije do 31.12.2018.godine".

Ured za zakonodavstvo Vlade Unsko-sanskog kantona predlaže obrađivaču da predmetni Nacrt Zakona uskladi sa predloženim, a potom uputi Vladi Kantona na razmatranje.

S poštovanjem,

Obrađivač akta: Azmira Fejzić

Dostavljeno:
1. Naslovu
2. a/a



SEKRETAR UREDA

Asija Filipić dipl.pravnik

(2) Dokaz o uplati glavnog duga dužnik dostavlja Kantonalnom pravobranilaštvu.

Član 4.

(Obustava izvršnog postupka)

Kantonalno pravobranilaštvo će, po dostavljanju dokaza o uplati glavnog duga, zatražiti od nadležnog suda obustavu izvršnog postupka.

DIO TREĆI – PRELAZNE I ZAVRŠNE ODREDBE

Član 5.

(Stupanje na snagu Zakona)

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“

Broj: 01-02-1-503/17 Predsjedavajući Skupštine
24. aprila 2017. godine Unsko-sanskog kantona
B i h a ć Nijaz Hušić, prof.

307.

Na osnovu člana 11.b), poglavlja V, odjeljak A Ustava Unsko-sanskog kantona – Prečišćeni tekst („Službeni glasnik Unsko-sanskog kantona“ broj: 1/04 i 11/04), na prijedlog Vlade Unsko-sanskog kantona, na 30. redovnoj sjednici održanoj 24.04.2017.godine, Skupština Unsko-sanskog kantona donijela je

ZAKON

o izmjenama i dopunama Zakona o koncesijama

Član 1.

U Zakonu o koncesijama („Službeni glasnik Unsko-sanskog kantona“ broj: 10/03, 07/09 i 19/13) u članu 27. iza stava (2) dodaje se stav (3) koji glasi:

„Pravna lica koja nemaju zaključen ugovor o koncesiji a stekla su prava korištenja prirodnih bogatstava i pružanja javnih usluga po materijalnim propisima, te koja u vlasništvu posjeduju izgrađene objekte i koriste prirodna bogatstva ili dobra u općoj upotrebi, stiču pravo i obavezu da podnesu zahtjev za dodjelu koncesije i zaključe ugovor samoinicijativnom ponudom“

Dosadašnji članovi 3., 4., 5., 6. i 7. postaju stavovi (4), (5), (6), (7) i (8).

Član 2.

Iza člana 35. dodaje se član 35 a. koji glasi:

„(1) Novčanom kaznom u iznosu od 5.000,00 KM do 10.000,00 KM kazniti će se pravno lice koje ne podnese zahtjev shodno odredbama stava (3) člana 27. ovog Zakona.

(2) Novčanom kaznom u iznosu od 500,00 KM do 1000,00 KM kazniti će se odgovorno lice u pravnom licu za ne poduzimanje radnji iz stava (1) ovog člana.“

Član 3.

Iza člana 38. Dodaje se član 38 a. koji glasi:

„Započete procedure dodjele koncesija okončati će se po odredbama ovog Zakona.“

Član 4.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“

Broj: 01-02-1-504/17 Predsjedavajući Skupštine
24. aprila 2017. godine Unsko-sanskog kantona
B i h a ć Nijaz Hušić, prof.

308.

Na osnovu člana 11.l) odjeljak A, poglavlja V. Ustava Unsko-sanskog kantona - prečišćeni tekst (»Službeni glasnik Unsko-sanskog kantona« br. 1/04 i 11/04), na prijedlog Kolegija Skupštine Unsko-sanskog kantona, na 30. redovnoj sjednici održanoj 24.04.2017.godine, po hitnom postupku Skupština Unsko-sanskog kantona, donijela je

POSLOVNIK

SKUPŠTINE UNSKO-SANSKOG KANTONA

I. OPĆE ODREDBE

Član 1.

Skupština Unsko-sanskog kantona (u daljem tekstu: Skupština) konstituše se, organizuje i radi u skladu sa Ustavom, zakonom i Poslovnikom Skupštine Unsko-sanskog kantona.